

SCRIPT OF EVENING GOJRI NEWS BULLETIN 13NOV 2025 1700 HRS

ایونینگ گو جری نیوز بلیٹن مورخہ 13 نومبر 2025

یوہ آکا شوانی جموں بے نصرت چوہدری تے غلام سرور تیں خبر سُنو۔

HEADLINES

- ۱۔ کابینہ نے برآمد کنندگان واسطے کریڈٹ گارنٹی اسکیم کی منظوری دتی تے وزیر اعظم گو کہنو بے اس تیں مسابقت تے خود انحصاری نانہ فروغ لبے غی۔
- ۲۔ لیفٹیننٹ گورنر منوج سنہا نے اج کہیو جے دہشت گردی ترقی کی دشمن بے تے سماج نانہ وی اس لعنت غے خلاف کھلو ہون غی ضرورت بے۔
- ۳۔ وزیر اعلیٰ عمر عبداللہ نے جموں کشمیر کی یونیورسٹیاں مانہ اعلیٰ تعلیم تک رسائی معیار تے مطابقت نانہ بدھان بارے حکومت غا عزم گو اعدو کیو۔
- ۴۔ قبائلی امور غا وزیر جاوید رانا نے قبائلی امور کی اسکیمیں گان نفاذ غو جائیزولے گے کم ویلے سر مکمل تے معیار نال کرن کی ہدایت دتی۔
- ۵۔ مردان گا کرکٹ مانہ بھارت پلک تیں شروع ہون آلا 2 میچاں کی ٹیسٹ سیریز واسطے جنوبی افریقہ کی میزبانی کرے غو۔

PM CREDIT GUARANTEE

وزیر اعظم نریندر مودی نے کہیو کہ برآمد کنندگان واسطے منظور کی گئی کرڈٹ گرانٹی سکیم بھارت غی عالمی سطح ور مقابلہ غی صلاحیت نانہ بدھاوے غی کاروبار نانہ آسان بناوے غی تے ملک نانہ خود کفیل بنان مانہ مدد دے غی سماجی میڈیا ور اپنا ایک پیغام مانہ وزیر اعظم نے مرکزی کابینہ گا فیصلہ غی تعریف کی انہاں نے کہیو کہ ایکسپورٹ پروموشن مشن تیں برآمدات مانہ بہتری آوے غی، نکہ چھوٹا تے درمیانہ درجہ غا کاروبار نوا برآمد کنندگان تے محنت ور مبنی شعوبان نانہ فائدو لبے غو مزید وزیر اعظم نے کہیو کہ اہم معدنیات ور ریلٹی قیمت مانہ کمی غو فیصلو پائیدادی تے خود انحصاری نانہ فروغ دے غو۔ اس قدم تیں سامان پُجان غا نظام مانہ مضبوطی آوے غی تے نوا روزگار غا مواقع پیدا ویں گا۔

LG JU CONVOCATION

لیفٹیننٹ گورنر منوج سنہا نے اج کہیو جے دہشت گردی ترقی کی دشمن بے تے حفاظتی فورسز اس نانہ ختم کرن بارے کم کر رہی بے تے کرتی رے غی برحال معاشرہ کی وی زہم داری بے جے وے اس لعنت غے خلاف کھلا ہویں اس گل غو ذکر لیفٹیننٹ گورنر نے چانسلر غی حیثیت تیں جموں یونیورسٹی غا خصوصی کنووکیشن نال خطاب کرتا وان کہی ایل جی موصوف نے کہیو جے دہشت گردی تیں لڑن واسطے اجتماعی کوششاں غی ضرورت بے انہاں نے طلباء تے عملہ ور زور دتو کہ وے تبدیلی نانہ قبول کریں مہارت غا پہلا نصاب ور توجو مرکوز کریں تمام شعبان مانہ تعاون کریں تے بھارت کی معشیت تے معاشران غا تقاضہ نانہ پورو کرن تے بدلتا وا رجحانات غا بنان ور کھلوریں انہاں نے مزید اس طرح کہیو۔

CM JU CONVOCATION

وزیر اعلیٰ عمر عبداللہ نے جموں یونیورسٹی گا19واں دو جا خصوصی کنووکیشن تیں خطاب کیو اُنہاں نے ڈگری حاصل کرن آلا طلباء تے سونہ گا تمغہ حاصل کرن آلا نانہ مبارک باد دتی تے تمام شعباں مانہ طلباں غی شاندار کامیابی غی تعریف کی وزیر اعلیٰ نے اعلیٰ تعلیم مانہ کی جارہی اصلاحات نانہ اُجاگر کرتا واں کہیو کہ حکومت جموں کشمیر غی تمام یونیورسٹی مانہ معیاری قابل رسائی تے جدید تعلیم نانہ فروغ دین واسطے پُر عزم ہے اپنا خطاب مانہ اُنہاں نے کہیو کہ مشن یووا حکومت گو ایک اہم پروگرام ہے جہڑو نوجواناں نانہ تعلیم ہنر جدت تے ذہنی فلاح و بہبود غے ذریعے باختیار بنان واسطے بے تانجے وہ صرف نوکریاں واسطے نہیں بلکہ قیادت تے قوم غی تعمیر واسطے وی تیار ہوسکیں وزیر اعلیٰ نے مزید اس طرح کہیو۔

ANJALI YOUTH FESTIVAL

جموں کشمیر نے ہونیشور آؤٹسیہ مانہ منعقد ہون آلا باوقار 25ویں انجلی بین العقوامی بچاں تے نوجواناں بارے میلہ مانہ جدید رقص مانہ پہلو انعام حاصل کرگے مرکز ی زیر انتظام علاقہ گو نام روشن کیو ہے ریاستی معزوری غا اطلاعات تے وسائل گا مرکز سوابیمان غے زیر اہتمام یوہ میلو بھارت بھرتے بیرون ملک تیں بکھ بکھ معزور بچاں تے نوجواناں نانہ ایک پلیٹ فارم ور اکٹھو کرے اس سلسلہ مانہ میلہ گو چاندی جلی ایڈیشن 16 نومبر تک جاری رے غو۔

PROG ANNOUNCEMENT

آکاشوانی جموں گو علاقائی خیراں آلو یونٹ ایک خصوصی مباحثہ ور پروگرام پیش کرے غو جہڑو 30 منٹاں غو وے غو اس پروگرام غو موضوع وے غو شوگر غی بیماری اس غی وجوہات علامت تے بچاؤ غا طریقہ یوہ پروگرام ولڈ ڈایابٹیز ڈے غا حصہ غا طور ور 14 نومبر 2025 نانہ تہاڑی گا 2:30 بجے نشر کیو جے غو پروگرام مانہ مارا مہمان وین غا، ڈاکٹر سومن کوتوال جہڑا گورنمنٹ میڈیکل کالج جموں مانہ اندوکرانولوجی شعبہ غا سربراہ ہیں تے وہ اس موضوع ور اپنی قیمتی رائے تے اپنا ماہرانہ خیالات پیش کریں غا۔ پروگرام غی میزبانی کریں گا، مارا انکر وجے بجاج سامعین یوہ پروگرام میڈیم ویو 303 میٹر یعنی 990 کلو ہٹز تے ایف ایم 100.3 میگا ہٹز ور سُن سکیں غا۔

RANA TRIBAL

قبائلی امور غا وزیر جاوید رانا نے سول سیکرٹریٹ جموں مانہ ایک اعلیٰ سطحی میٹنگ کی جس مانہ قبائلی امور غا محکمہ غی تمام جاری سکیمان غو تفصیلی جانیزو لیو گیو میٹنگ غے دوران وزیر نے مختلف سکیمان غی عملی تے مالی پیش رفت غو جانیزو لیو ان غا نتائج نانہ مقررہ مقصد غے مطابق پرکھیو تے وقت ور کم مکمل کرن غی ہدایت کی تانجے قبائلی برادریاں واسطے فلاحی منصوباں موثر طریقہ سنگ پُچ سکیں وزیر نے کہیو کہ وسائل غا بہتر استعمال نانہ یقینی بنایو جے تے تمام افسران نانہ ہدایت دتی کہ وہ معیارتے وقت غی پابندی نانہ سختی سنگ یقینی بناویں۔

REASI VANDE MATRAM

ریاسی مانہہ اج ایک شاندار وندے ماترم ریلی کڈی گئی جس غو مقصد بھارت غا مشہور قومی گیت غی 150 ویں سالگری منانوتے ملک مانہہ حُب الوطنی تے اتحاد غا جزیہ نانہہ دسنوتھو اس موقعور بڑی تعداد مانہہ طلبہ نوجوانان غو اکٹھ سرکاری افسر تے مقامی لوک شریک ہوا اس موقعور پوشن بارے ضلع پروگرام گا افسر سڈرشن کمار نے کہی و کہ اس طرح غی سرگرمیاں گو مقصد نوجوان نسل مانہہ قومی فخر نانہہ مضبوط کرن وتے وندے ماترم غی ثقافتی اہمیت نانہہ اُجاگر کرنو بے ریلی غو اختتام قومی نعمان ثقافتی پروگرام تے جوش و جزیہ تیں بھرا نعارہ غے نال ہوو جس تیں پورا ماحول مانہہ حُب الوطنی غا جزیہ تیں پر گیوبعد مانہہ ذرائع ابلاغ سنگ گل کرتا واں ڈی پی او ریاسی نے اس طرح کہیو۔

HANDICRAFT DEPARTMENT RAMBAN

رامبن مانہہ دستکاری محکمہ مختلف تربیتی مراکز گے زریعے بے روزگار نوجوانان نانہہ روایتی دستکاری جس طرح سوزنی کریول قالین بنائی گی تربیت دین ور توجو مرکوز کر رہیو بے محکو آرٹیشن کریڈٹ کارڈ جیسی سکیمیں غے زریعے مالی مدد فراہم کر گے تے نمائشاں گے زریعے ان غی مصنوعات نانہہ فروغ دے غو دستکاری گی مدد کر رہیو بے اس سلسلہ مانہہ محکماں گی طرفوں تربیت حاصل کرن آلا نانہہ مایا نہ وظیفو فراہم کی و جارہیو بے اندائی تربیت آلا واسطے 500 روپیہ تے ترقی یافتہ تربیت آلا نانہہ 700 روپیہ وظیفہ گا طورور دتو جے آکاشوانی غا خبراں آلا شعبہ سنگ گل کرتا واں ہینڈ لوم تے دستکاری محکمہ رامبن غا اسٹینٹ ڈائریکٹر پردیپ شان نے اس طرح کہیو۔

CRICKET TEST IND SA

مرداں گا کرکٹ مانہہ بھارت پلک تیں شروع ہون آلا دو میچاں گی ٹیسٹ سیریز بارے جنوبی افریقہ گی میزبانی کرے غو افتتاح میچ کولکتہ غا ایڈن گارڈن مانہہ کھیڈیو جے غ و عالمی ٹیسٹ چیمپینشپ گی مہم وی تیز رفتاری سنگ جاری بے تے بھارت درجہ بندی مانہہ 3 نمبر ور بے۔

DISTT TENNIS

جموں ضلعی اوپن ٹینس چیمپینشپ انڈر 14 جموں کشمیر لان ٹینس ایسوسی ایشن غے زیر اہتمام لان ٹینس کورٹ جموں ایم اے سٹیڈیم جموں مانہہ اختتام پزیر ہوئی جموں کشمیر سپورٹس کونسل غی چیف سپورٹس افسر انیسا نبی نے اس موقع ور مہمان خصوصی غا طورور شرکت کر گے انعامات تقسیم کیا تاہم اس طرح انڈر 14 گدیاں غا زمرہ مانہہ وروشی کمار نے سادہ مہاجن نانہہ 2-2,6-6 تیں شکست دتی جد کہ آرو شرما نے فائنل مانہہ مینک گپتا نانہہ واکاوون رہن تیں بعد بائیز ٹائٹل اپنا ناں کیو ذرائع ابلاغ نال گل بات کرتا واں چیف سپورٹس افسر نے اس طرح کہیو۔
